



NOTAS

[\[VOLVER\]](#)

OTRAS NOTAS

Un centenar de rapaces participarán no campamento musical Musigalizando

Este novidoso campamento de verán celébrase entre o 25 de xuño e o 1 de xullo no Albergue de Gandarío coa música como afección común dos participantes.



Máis de 90 rapaces pertencentes á Asociación Cultural Musical Solfa de Santiago, á Banda da Escola de Música de Rianxo e á Banda da Agrupación Músico-Cultural de Ribadumia participan entre o 25 de xuño e o 1 de xullo na iniciativa Musigalizando, un campamento musical que se organiza coa colaboración da Dirección Xeral de Xuventude e Solidariedade. O director xeral de Xuventude, Rubén Cela, e os responsables das entidades implicadas presentaron en rolda de prensa esta iniciativa singular, que permitirá que os integrantes destas agrupacións poidan compartir o seu tempo de lecer arredor dunha afección común: a música. Os participantes, con idades comprendidas entre os 8 e os 25 anos, compartirán durante unha semana as instalacións do Albergue Xuvenil de Gandarío, en Bergondo. Alí alternarán actividades de tempo libre en contacto coa natureza con ensaios á mañá e á noite que lles permitirán preparar un repertorio que ten como prato principal as bandas sonoras. O resultado final deste traballo conxunto poderán verse en dous concertos abertos ao público que se celebrarán o 30 de xuño na praza da Quintana en Santiago e o 1 de xullo na praza do Teucro en Pontevedra. Os integrantes destes tres conxuntos levan

dende o mes de xaneiro desenvolvendo o traballo previo a este campamento, preparando por separado o repertorio de partituras que permitirá montar estes concertos finais, onde soarán as músicas de filmes como La máscara del zorro, Mar adentro ou Bailando con lobos, entre outros. Segundo explicaron os profesores, trátase dun cartel que non poderían executar cada unha das agrupacións por separado por falta de medios humanos ou de instrumentos, pero que si poden abordar en conxunto, co importante reto que isto supón para os rapaces e rapazas. Experiencia piloto Pola súa parte, Rubén Cela explicou que o apoio da Dirección Xeral de Xuventude a este proxecto se encadra na liña de acción que vén desenvolvendo este departamento da Vicepresidencia de cara a potenciar a produción musical entre a mocidade. Así, aludiu a iniciativas como a Rede Galega de Locais de Ensaio e o certame GZ Crea, que conta con apartados específicos na súa modalidade de composición para bandas novas e para bandas tradicionais. O director xeral destacou o novidoso deste campamento, o primeiro destas características que se fai en Galiza, e adiantou que Xuventude vai estudar esta experiencia como proxecto piloto de cara ao seu desenvolvemento nas próximas Campañas de Verán. Neste senso, Cela subliñou a importancia que ten diversificar a oferta de ocio, máis concentrada nestes momentos nas vertentes lúdica, deportiva ou de medio ambiente, para potenciar estas iniciativas de tipo lúdico-cultural. Finalmente, o responsable de Xuventude da Vicepresidencia considerou este campamento un exemplo dos bos resultados que reporta o traballo man con man entre a Administración e as asociacións no eido da mocidade.

Tres alumnos galegos, galardoados nos Premios Nacionais de FP Superior

O galego Noaipre, na Taste of Sónar de Londres

O Consello Galego de Acción Voluntaria aproba o anteproxecto de Lei do Voluntariado de Galicia

Alumnos do Centro Superior de Hostelería de Galicia presentan o seu proxecto fin de carreira

Pete Doherty abre o ciclo Galicia Importa 2011 que reúne a artistas vangardistas

Educación presenta cifras e fala dunha redución importante de universitarios

Ana Vallés dirixe para o CDG a dramatización das finalistas do V Premio Diario Cultural de Teatro Radiofónico

A Fundación TIC grava un vídeo musical do grupo ribadense Escala Drinker

Presentada a Guía de Prácticas e Saídas Profesionais na UE

O Sónar Galicia complementa o seu programa con cinco novas actuacións en A Coruña en xuño